

四庫全書

集部

欽定四庫全書

文苑英華卷九百三十四 宋 李昉等 編

婦人下

鄭國夫人碑一首

潁川郡太夫人陳氏碑一首

汾陽王妻霍國夫人王氏碑一首

谷夫人碑一首

鄭國夫人神道碑

張說

欽定四庫全書

文苑英華  
卷九百三十四

鄭國夫人者弘農楊氏之女也開元神武皇帝惠妃之  
母也曾祖諱諶以禮樂習文為越州司馬祖行以折衝  
學武為游擊將軍父宏以門才入仕為雍縣丞而早卒  
初則天之代夫人言歸武氏曰恒安郡王生惠妃及家  
令忠僕疑太子僕信開元十年三月終于通化里其四  
月卜宅于少陵原哀子銜血號旻仰訴怨報德之不待  
託思齊以集作於永慕皇帝挹鑿殿之內寢悵鶴池之外  
慘揚淑聲而金石刻揭高行而天地感國史司文命為

鄭志若清明下濟岳瀆上升祥惠德門慶育邦媛神授

孝德

集作理

之性天啟聰達之心加以潤澤詩書游玩圖

傳伯宗好直預誠

集作識

將亡重耳羈遊先稱必霸豈知

漢廷章奏假借仲長之才周官禮儀資稟宣父

集作文是

之

學昌言嘉論有如此者螭首螭領修眉橫波既工嘖嘆

易為容止肅恭而不跼舒和而不倨商周革命遇屯有

怡懌之顏桑萑傲如在貴無矜驕之色端容一貌有如

此者紘紼祭服闕翟朝衣纂組入神剪制驚國雕萌

之飯露葵之羹五齊六清三醑七醢咸一見而洞理或不習而知和女主中饋有如此者患妃載誕皇子在者四人驪泉多龍丹穴多鳳克岐克嶷預見元凱之才實覃實訐早聞宵燭之艷亦關陰德之潛襲胎教之密傳乎又名子以義成家以禮忠者以令德為忠信者以不欺為信傳云去食存信信而有徵經云移忠為孝孝則不匱周宗咸服集作復是紀季獨存至德深圖有如此者辟司徒之妻邑其合禮南城侯之婦封其舊功况夫人集無

人慎徽四德四德咸舉經綸二儀二儀克從匡武收繼

趙之勲產姚承配夏之慶吹凱風於椒掖外王母於梧

宮盛德大業窮光極寵集作榮啟國西鄭不亦宜乎十數

年間二子榮立每至四時令節六參嘉會魚軒照門龜

艾一作艾綬交室為壽則珠貝山積侑幣則錦綺霞舒集作聚

白玉滿堂聚姻親而同有黃金作穴散隣里而無餘君

子欽其市集作布義聖人嘉其實儉故寢疾則飲食天厨

湯藥御府匪日伊夕上官駱驛於閨庭送終則威儀傾

都車騎喧日自宮徂野中使相望於道路哀榮之盛書  
記罕聞猗歟所謂小君之遺美聖善之高烈者也如使  
後代考南史議西陵披簡牘而嘆息臨山原而茫昧旌  
賁之道不期闕而然則外甥之碑武擔之石非明淑之  
壟其何所設焉辭成進御帝稱曰善顧謂尚札我其書  
之於是西翰黃縑縷字青琬雲橫波蹙神變艷爛於山  
門鶴倚鸞翔生氣宛延於松路禮尊事絕恩崇迹遠斯  
又玄德動天幽誠迴日之奇致也誰昔見毛詩未覩名言

莫逮銘曰代有母德厥氏揚兮祖考為士夫為王兮  
聖后中葉惣萬方兮天命未改復歸唐兮賢淑啟祊繼  
絕亡兮宗周雖滅神女昌兮建號西鄭榮舊鄉兮魚軒  
翟第盛寵光兮二子雙飛華綬章兮朱輪魚廷煒煌兮  
集作出入魚輪  
庭煒煌兮是去此昭昭即茫茫兮何處詔葬少陵阜  
兮貴妃慈親侯王舅兮寒暑流易山川久兮古墳坡陀  
老樹朽兮壽宮靈百代守兮頌石光華千載後兮

潁川郡太夫人陳氏神道碑



潁川郡太夫人者諱某字某雷州大首領陳玄之女羅

州大首領楊歷之妻驃騎大將軍兼左驍騎大將軍號

國公思最之母也陳氏家富甲兵世奠嶠外夫人誕靈

豪右淑問幽閒六行天至不因師氏之學四德生知無

待公宮之教原夫陳本媯水楊承赤泉九貞為郡良吏

集作史出守集作乎中國五馬浮江僑人占守集作呼南海兩

州接縣集作吟二門齊望卜妻鳴鳳擇對乘龍揚翁集作公

有聘玉之祥應姬獲探金之慶號翁弱冠昇士鞠躬禁

闡正性本乎胎教剛腸形乎義色神龍三年七

集作六

月

五日北軍難作西華大

集作失

守騎入宮壺兵纏御樓

公孤劍凌鋒羣凶奪氣倉卒之際安危是屬既立殊常

之勲遂蒙超次之命受銀青光祿大夫上

集作無上字

柱國

弘農縣公行內常侍其後改拜將軍太夫人是加爵邑

堂高九仞祿重萬鍾朝廷美其揚名州黨尊其遠聰夫

人富而好儉貴而能勤身却錦綉手親紡績公每昏定

晨省夫人必誠之忠孝勤學文武常謂汝口稱思勗當

心念其義父母名之欲汝三思而勗勵也故號公便習  
干戈漁獵書史致命伐罪擒叛獠於百越寫誠誓衆破  
狂蠻於五溪鬪子弟如使手足請風雷若應期契聖朝  
答高秩於驃騎酬大封於號略豈非以辭弟之懇忠誠  
斷織之明訓臣節立矣君恩厚矣子孝成矣母慈著矣  
備此四者善孰加焉抑神道祐心而人倫興行詩曰母  
氏聖善又曰宜爾子孫斯實潁川太君之有也享年若  
千開元九年四月八日薨于長安之翊善里先公早世

邱墳故域古無合葬有禮

一有其丈二字

從宜夫以體歸下地

萬里豈殊乎黃壤魂何不之雙棺幸同乎玄宅

集作室

以

其年十一月十六日招魂附葬于萬壽縣龍首鄉神鹿里申孝子不忍隔親之情也恩勅賜錢十萬緡布皆百段日磾忠厚漢武知其母教馮勤寵貴世祖稱其母德克軫天情頗為連類號公生盡其禮沒盡其哀嗟閔水之日逝懼藏山之夜徙追鏤碑版遠貽圖傳烝烝至意有足感人恹恹信言故無愧色銘曰

陳公舜後楊侯周裔去國何人南遷幾世鄴祿嶂表朱

岸海際兩族相高材

集作財

雄兵銳猗歟邦媛儷茲國士

友善

集作若

琴瑟華如桃李心契法度容和愠喜資敬從

夫移忠訓子嘉此令子南滇北歸于天鶴唳拔

集作支

湔

鴻飛朱宮退散銅柱來威國家安寵魚軒翟衣子封號

略

集作國

五宮前宇母邑潁川三君舊土感激榮慶踟躕

今古高堂夜空弔客朝聚龍首山前前臨灞川招魂五

嶺合葬三泉山山邱暮樹樹風烟孝碑不滅茲墳永傳

汾陽王妻霍國夫人王氏神道碑楊 綰

鵲巢配德合好之義深象服建封寵光之至極況動循  
法度躬事蘋蘩揭四德而表儀高門秉一心而輔佐君  
子則有夫人王氏有唐元輔汾陽王之伉儷本其盛族  
著於太原高祖長諧皇左武衛大將軍秦州都督平原  
郡公贈荊州大都督陪葬獻陵曾祖德玄銀青光祿大  
夫唐州刺史祖士會河南府陸渾縣令父守一寧王府  
掾贈兗州大都督或勲閥可稱或理行尤異積仁儲慶

奕葉聯華夫人即兗州府君之長女敏悟生知孝慈天性誕含柔範光起韶儀親執組紉備詳圖史女宗之美燦然有光年既及笄禮從納幣言告師氏歸于汾陽汾陽時寵祿未崇盛業猶晦夫人從節儉之行服澣濯之衣祇事舅姑恪恭朝夕視庖主饋未嘗假人下氣怡聲率由至性生既極其養歿又過乎戚慎徽衆善敦敘六宗睦娣姒以仁接中表以義由是閨門以穆婦道有聞天寶中汾陽分鎮河中策勲王府夫人從夫之義封瑯

瑯縣君尋又進封太原郡君其後冠盜橫厲風雲玄感汾陽乃首啟戎行宣力王室出則統一師旅入則燮贊台階元勲既崇殊賞斯至內訓之功其子或位列通侯或室嬪公主姻連右戚榮冠中朝門通河漢之津地成冠蓋之里每令節嘉賞長筵高會青紫照庭環珮盈室燠灼人代莫之與京然約已尚柔從夫體順服仁不倦率禮無為揔是具美允應多福亦嘗排鳳闕謁龍顏及承制曰汾陽郡王妻太原郡君王氏婉婉淑德齊莊令



容稟訓母師友于琴瑟作賓君子宜爾家室克著艱難  
之勲實由輔助之力可封霍國夫人初汾陽受命東征  
長驅河朔夫人處於西土三徙其居導諸子以義方規  
衆女以典則用能聿尊禮度伊加等之顧問奉殊常之  
寵錫容止合度威儀可觀帝嘉其賢尤所稱重宜其阜  
昌盛業蕃衍華緒荷恩渥於上天保榮耀於當代而夫  
人蘊高世之度抱出塵之節以為致盈必損理有固然  
誓棄浮華願歸正覺於是損其服玩斥其愛染思契理

於勝因將息心於了義乃捨京城西別業奏置法雄寺  
又於法雲寺寫藏經修塔院置經行之室立禪誦之堂  
景福所憑斯焉茫昧遐齡未及奄爾薨殂享年七十三  
以大歷十二年正月辛未終於平康里之私第皇慈興  
歎中使臨弔汾陽以睽偕老之期深遺掛之恨撫襟長  
慟悼亡何及即以其年六月二日卜葬於萬年縣鳳棲  
之原恩詔贈賻率加常典哀榮之盛今昔罕儔有子六  
人長曰銀青光祿大夫太子詹事上柱國太原郡開國公

曜次曰開府儀同三司行左散騎常侍趙國公瞻次曰  
開府儀同三司行尚書吏部司封郎中上柱國樂平郡  
開國公晤次曰銀青光祿大夫守殿中監駙馬都尉暖  
次曰銀青光祿大夫守殿中少監曙幼曰朝散大夫守  
秘書省著作佐郎映有女八人長女適成都縣令盧讓  
金次女適鄂州觀察使吳仲孺次女適衛尉卿張浚次  
女適殿中少監李洞清次女適司門郎中鄭渾次女適  
邠州別駕張邕次適和州刺史趙縱幼女適太常寺丞

王宰並銜恤在疚是宗窀穸帝女降天人之貴從主婦  
之儀手制衣衾親臨祖載自宮徂野徒行號擗此又盛  
德所感明靈永慰者也汾陽屬當出鎮瞻望不及思刻  
金石以紀徽猷綰顧無讚美之能虛承敘德之命式揚  
茂實以副永懷銘曰赫赫崇勲鬱為元臣我我淑德奄  
有方國夫貴妻尊恩深寵極聿脩閭政以懋嬪則安自  
中年嘉聲克宣魚軒昭曜翟一作狄同第嬋娟嬪從如雲歌  
鐘沸天永言浮世載悟貞貞筌玄夜何速青鳥斯卜惻蒼

笳簫蒼茫陵谷惟貞石之不朽庶斯言之可復

故義武軍節度度支營田易定等州觀察處置  
等使檢校司空同中書門下平章事贈太傅  
上谷郡王張公夫人鄧國夫人谷氏神道碑  
權德輿

皇帝以文明御方夏以德禮序人倫貞元十二年秋九  
月詔侍臣德輿以故義武節度檢校司空同中書門下  
平章事贈太傅上谷郡王張孝忠夫人谷氏之淑行內

則俾刻金石臣聞風有米蘋米繁易曰中饋貞潔所以表柔明於內子昭節信於元侯宣力獻功抑有其助夫人之先魏都樂昌縣人也在漢元成之代衛司馬吉以勲勞致命於絕域大司農永以文學盡規於本朝前史書之以勵臣節四代祖那律皇朝諫議大夫弘文館學士正直之道播于清時曾祖輔袞左羽林軍長史祖倚相秘書省正字仍代藏器晦而不耀考崇義天寶末有行師北鄙之勞累書勲伐至左金吾衛大將軍兼殿

中監贈特進夫人即特進府君之第八女也稟是門風  
鍾于女士淑閒之度中外宜之初太傅始自軍校建功  
河朔克彰婦順敬贊宗事正位于內尚柔有儀洎太傅  
自易部領常山遂分節旄以至公相上略兼資于明智  
中壺載揚其惠和二姓有輝六姻是憲盡禴翟之飾動  
珩璜之聲建中元年封魏郡夫人三年進封鄧國夫人  
旌淑哲也鵲巢之均一家人之悔勵邇豆敬齋之色琴  
瑟靜好之儀夫人備有焉帷堂晝哭良兮繼志上慈下

厚就養無方此又令嗣之能致其敬也貞元十一年冬以門承勲績之崇恩有選尚之貴方築外館聿來上京十二年二月丁卯以疾終于萬年縣安仁里私第年四十九遺章上陳敬而得禮皇情憫惻恩贈集作有加嗣

子茂昭義武軍節度易定等州觀察處置等使趙復左金吾衛上將軍檢校工部尚書定州刺史兼御史大夫延德郡王博陵上谷之師以續休緒戎車委重優詔抑情次曰茂弘雅王府司馬茂宣舒王府長史嗣雍杞王



府諮義叅軍嗣慶試將作少監兼御史丞幼曰茂宗銀  
青光祿大夫行光祿少卿員外置同正員駙馬都尉皆  
以純孝裕蠶居喪執禮以其年冬十月甲戌奉夫人之  
輅車葬于京師少陵原不祔舊封式遵古道恩延戚里  
有命從之初夫人之兄從政實傳戎韜之訓以中執法  
剖符定州有妹四人所天皆貴異姓之社從夫以尊公  
宮之教率性而中象服交映魚軒並馳其後婚親一作姻  
無非勲德故太尉中書令西平王今太尉中書令瑯琊

王夫人之姻也納徵佐餽焜耀于一時此又閨門之盛而積善有類也柔正之風本於王化愷悌之澤洽于幽泉此臣之所以拜受德音銘諸樂石也銘曰

在漢子雲侃然中正昌言獻可遠緒傳慶降及特進策勲斯盛乃生夫人如玉之溫婉彼淑質宜乎盛門金絃石筵所從並尊亦既晝哭道彰訓育中權之貴克繼藩服下嫁之榮方承湯沐生也有涯壽胡不遐奄然冥冥喪此柔嘉遽還黃壤空悲白華秦原隱嶙丹旆徐引此

焉幽宅自昔同盡追琢徽音終古不泯

文苑英華卷九百三十四

欽定四庫全書

文苑英華卷九百三十五 宋 李昉等 編

皇親

鄮國公墓誌一首 信王墓誌一首

鄮國公墓誌一首 新平王墓誌一首

睦王墓誌一首 郭駙馬墓誌一首

會王墓誌一首

鄮國公墓誌一首 楊 炯

永昌元年春二月甲申朔鄒公薨公諱柔字懷順弘農人也縣犯太原王廟諱改為仙掌焉公即隋煬帝之玄孫元德太子之曾孫恭帝之孫鄒國公行基之子粵若稽古崇德象賢統承先王脩其禮物惟丞相保寧西漢惟太尉亮弼東朝功書王家澤流後嗣亦猶司徒之敬敷五教殷德日新后稷之播時百穀周有大賚隋高祖昧旦丕顯齊聖廣淵皇天眷佑誕受顧命恭皇帝遜位明敬能讓天下作賓皇室與國咸休承百代之宗國稱

二王之後公山河積氣清白餘基孝友著于閭門信義  
行於邦國從心妙用不出戶庭覃思典墳不窺園圃及  
其上公傳位命服居前有休惕之心無驕矜之色漢之

平帝猶敬劉歆

集作猶  
封曾侯

魯之戴公尚聞商頌大唐貴為

辰極富有環瀛用三王之禮以同天地奏八代之樂以  
答神祇郊上玄定泰時金繩玉匣日觀登封左个西偏  
明堂布政未嘗不虞賓在列周客來庭禮秩尊于百寮

贊拜絕於羣彥

集作  
后

猶能小心畏懼恪慎肅恭上帝時

歆下人祇協以為藩屏以訓子孫稟命不融享年五十

有五嗚呼哀哉越某月塋于某原嗣子某官生盡其孝

集作死盡其哀學不替於為喪禮有踰於鑽燧卜

其宅兆俾無後艱述其家風謂之不朽其銘曰

有客有客乘殷之馬建于上公尹茲東夏有客有客乘

殷之輅作賓王家率由典故天之蒼蒼人之云亡柏檟

成行魂歸故鄉

故開府儀同三司上柱國贈太傅信王墓誌

常衣

昔周以仁厚之化睦于宗戚而武王之弟有國者三無  
官者五漢家雖皇子畢王而猶各守疆土不在京師我  
唐以孝理萬國周親並建至玄宗儀制益重寵以留邸  
罷其歸藩大第連乎北宮高臺接乎雙闕令舊典不易  
特恩有加所以廣親親之道洽骨肉之愛也王諱望字  
某玄宗至道大聖大明孝皇帝第某子也母曰盧賢妃  
性與其貞氣合於純君親之際止於孝伯仲之間止於



弟重以師傅之教資其賢淑之能實大雅之明哲高陽之恭懿也在開元時則帝子之寵紫殿溫清一作靖彤庭

趨拜鳳姿秀發麟趾光華祚于海邦藩我王室在至德時則皇弟之貴駟馬之迎深於友愛三雍之獻益用親禮故詩有行葦勿踐所以昭忠厚也我皇既受命則叔父之尊安平望高淮南屬長其朝會也不在贊拜之列其晏私也特加壽觴之敬故書有分王展親所以美敦叙也至如綠池朱閣素月清風兄弟俱來子孫列侍偃

蹇叢桂淹留芳草內饗分膳賜藥在庭杳然蓬瀛之外  
自適天人之樂斯非聖君尊寵之所尚聖王福履之所  
宜也以大歷九年十月庚午寢疾薨于上京春秋五十  
皇帝設位哀慟輟朝三日乃命中貴人襄事於內邸宗  
室屬籍哭於外次既殯又詔司儀備物典策追諡命大  
傅光祿勳持節弔祭京兆尹監護喪事以其年十一月  
庚申葬于細柳原妃范陽盧氏祔焉禮也嗣子某郡王  
某官某乙等孝極其至喪如不勝故事藩王墓銘別詔

論譔微臣惶恐謹而誌之詞曰

玉璫黃流文祖受命金璽綠綬賢王分慶惟此賢王令  
德孝恭尊事天子翼翼邕邕天子敬異優其賜與大輅  
之旂玄衣及黼如何不永誰察誰補葬我叔父于渭之  
傍曉下蘭坂夕臨芷陽百官會送五校啟行鼓吹悽咽  
郊原蒼涼御津門外集作上御津門遠睇連岡懷德增慟迴與  
更傷

信王第七子贈太常卿鄴國公墓誌

前人

維永泰元年歲在乙巳四月壬戌朔十一日壬申有唐  
信王第七子儔終于西京之內郎春秋一十有八嗚呼  
哀哉詔贈太常卿粵翌日追封鄴國公以其年五月三  
十日葬于細柳原禮也公系承霄極慶襲藩維忠肅  
立身孝恭成性早聯華於武穆能有裕於文孫令範韶  
聞良才美秀敦以友悌絕其交遊器適四科術通六藝  
弘此素尚暢於黃中宜其壽昌胡不秀實方固盤石遽

凋本枝皇上義切友于情深悼往睦親軫念懷德增悲  
寵贈太常卿特優恒數仍錫苴茅之命用追棣萼之榮  
日月有時卜云其吉送終灞岸載動津門爰命侍臣碑  
刊貞石銘曰

玄宗之孫信王之子性與聰悟天姿韶美始能趨拜即  
異幼冲觀書魯壁習樂雍宮韞此器能方期光大一朝短  
折萬事冥昧皇恩寵贈友愛惟深幽局永閉長夜沉沉  
奉天皇帝長子新平郡王墓誌

維永泰元年歲次乙巳二月十七日新平郡王薨于西  
京之內邸春秋四十一粵以其年五月七日遷窆于萬  
年縣龜川鄉細柳原禮也王諱嚴字伯莊睿宗之曾孫  
玄宗之孫奉天皇帝之長子也幼而溫良夙乃碩茂動  
皆執禮言必稱詩皇孫之中德行推美周邦右戚漢興  
開封代繼讓王之尊親承太伯之嗣先朝友愛奕葉追  
崇常佳南楚之風每翫西園之月仁者不壽遘疾而終  
皇上軫崇棣之悲懷鴈行之慘輟朝震悼義切天倫驚

遂云封龜占從吉俄辭舊邸言向佳城近灞陵之高原  
當細柳之吉地丹旄將引玄甲啟行器備飭終禮有異  
等嗣子年在童幼執喪而哀詔塋之儀悲聲先遠禮豐  
碑之寔疑詞在刊銘銘曰文昭武穆天孫帝子好古推  
賢樂善歸美親承太伯業繼賢王漢屏斯重周卿有光  
人閱於水夜遷於壑長坂蘭摧小山桂折細柳之地灞  
陵之川泉局一閉幽墟千年

睦王墓誌銘

梁 肅

王諱某有唐代宗睿文孝武皇帝之第幾子今皇帝之  
愛弟也某年封睦王春秋若干以貞元七年某月日薨  
於京師皇上震悼命有司筮宅兆選吉日以明年二月

某辰葬王某縣某鄉某原禮也惟天祐序于皇家惟王

承慶于祖宗方於

集作之

有周康叔實文王之子擬諸炎

漢河間稱武帝之弟天鍾秀氣幼挺全德清明在中溥

耀

集作輝

發外稟先聖之嚴訓則樂善不倦奉吾王之深

愛則敬順日躋至乃因心之孝率性之道

集作義

溫良惠



和敏肅端懿學無不探

集作深

藝無不至固已邈焉殊倫

焯

集作焯

於生知者已泊夫備物典策啟土建封桓珪之

重盤石之宗守以清淨行以謙冲不然者何名之茂何

寵之豐方將明上

集作明三

壽以用五福胡乃天不憖而命

不融此聖人所以深津門之慟凡伯所以惜東平之終

臣肅奉詔銘石寘玄壤之中所以紀茲墳之永固以表

王德於無窮者也銘曰

聖帝介弟於維睦王令問令望于邦有光惟王之賢懿

德日宣受福于天胡不永年東門之路西靡之樹萬有  
千古賢王之墓

會王墓誌銘

白居易

唐元和五年冬十一月四日會王寢疾薨于內郎大小  
殮之日上皆不舉樂不坐朝思也越十二月十八日詔  
京兆尹王播就監視葬事定于萬年縣崇道鄉西趙原  
禮也是日又詔翰林學士白居易為之銘誌故事也王  
諱纁字某德宗之孫順宗之子陛下之弟幼有仁

集作  
令

德早承寵章未冠而王受封于會夫以祖考積集作定是德

之慶父兄天日之貴祚集作昨土列藩之寵好德樂善之

賢宜乎壽考福延為王室輔嗚呼降年不永二十一而

薨

集作終

哀哉皇帝厚敷

集作悼

睦之恩深友弟之愛故王

之薨也軫悼之念有加於常情王之葬也追尊之儀有

加於常數哀榮兼備斯其謂乎銘曰歲在寅月窮紀萬

年縣崇道里會王薨葬於此

特進贈兖州都督駙馬都尉觀國公楊公墓誌

銘

張九齡

公諱某字某弘農華陰人也其先食采於楊因邑為氏  
始大於兩漢更盛於周隋司空觀德王我之高祖也台  
階論道盟府書勲利建維城澤流後嗣洎右衛將軍贈  
兵部尚書府君諱某累葉炳靈六轡承祀而皆千里一  
舉逸翰所推五族集作侯同拜貴戚莫比公即尚書之子  
也誕保中和克紹前烈幼以美秀兼太叔之文長而嘉  
聞增季友之業孝悌忠信蘊乎生知禮樂詩書成於時

習弱冠以門子調補晉州叅軍中宗之在春宮也妙簡才地將降天孫兼之實難而公惟允以選尚長寧郡主加朝散大夫拜通事舍人累遷左

集作右

衛郎將神龍元

祀中興在運預聞大策克樹休勲而貴主宜家既增湯沐列侯傳國復錫山川至是始襲觀國公拜駙馬都尉左千牛衛將軍加上柱國累遷秘書監兼太子賓客增秩金紫光祿大夫又特進右散騎常侍左千牛將軍陝王傳坐事左出巴州刺史入為光祿卿復出為毫襄陳

鄧四州刺史左轉鄜亳許絳四州別駕公性明敏有器  
韻不求虛譽而百行允脩不矜小喜而九能咸事至於  
入官從政東文西武才既兩可事亦百中且不恃貴而

集作以

傷義不怙寵而廢公奉以周旋加之撝挹雖在降

出無它悔恡此亦公之善自為謀以道終始者也開元  
十二年四月癸卯遘疾薨於絳郡之官舍春秋五十天  
子惇焉有制贈使持節都尉兗州諸軍事兗州刺史仍  
遣使弔問令還葬京師恤禮有加哀榮異數其年秋九

月甲申墓于北原其孤曰某等斃斃在疚願圖遺後之人亦知范宣之世祿豈獨臧孫之立言銘曰

巖巖大華作鎮西土祚我諸楊降生厥祖四代而立為

漢元輔爰及胤裔克復光

集作先

古猗嗟觀公不忝前人

荷天休寵為國嘉姻王孫作儼帝子來賓瓊敷玉潤暉映紛綸乃登王朝乃尊爵秩祿盈萬鍾賦食千室亦克畏滿亦以戒逸物更盛衰時有得失稟命不融斯人則亡天歸京兆地還連岡于嗟此室徽音不忘

銀青光祿大夫檢校左散騎常侍兼宮苑閑廐

使駙馬都尉郭公墓誌銘 沈亞之

府君諱某其先關西鄭人也大父汾陽王始以武

集作戎

勲著績為朔方軍副使天寶末玄宗西巡巴蜀肅宗勞

兵于靈武乃率其義虜順夷合兵遂叛得為朔方軍節

度既而二駕還都拜為中書令統兵於外初廣德

集作代宗

初犬戎飲馬昆明至于御溝天子在陝又以擊逐之功

益拜尚書令封汾陽王尊稱尚父乃詔子曖尚昇平公



主都尉主客皆賢故長安中名人文士自李端司空曙  
之徒咸遊其門賦詩席酒更日而主生子三人女二人  
長今為皇太后府君即其少子初憲宗居邸時親臨主  
家納迎如禮及今上即位皇太后昆弟皆寵錫尊官而  
府君最少益蒙隆念自汾州刺史入為殿中監尚河西  
公主歲餘改宮苑閑廐使府君寬柔和易不守剛決長  
慶三集作二年七月五日暴疾卒于主家享年三十七  
太后聞之驚悼悲哀使者自中宮出按問發疾之狀月

餘乃解以其年十二月十九日葬于京兆某原之上初  
西河主前降吳興沈氏生子男一人及郭氏之喪無後  
而以沈氏之嗣為之主辦卜葬有期主喪者使其家吏  
牽馬操幣至于櫟陽即尉家曰尉之文記事有聞矣願  
得為之銘以誌其壙於與敘勲典之事表于墟中云銘  
曰河旌崑崙命源惟長跋于神葉其來泱泱影響邁會  
披華吐章靈姻氣交彭而興祥陶以精神涵為濃光保  
我國步乃生汾陽在戶作局橫天為梁息災破難以樂

疾瘡帝子入室固如維綱孫為國母沙麓以昌少舅

集作

為姻臣謙寬汪汪祿而不壽念

集作哀

彼中傷惟其流慶

與唐無疆

文苑英華卷九百三十五

欽定四庫全書

文苑英華卷九百三十六 宋 李昉等 編

宰相一

左丞陸元方墓誌一首

中書令逍遙公常嗣立墓誌一首

尚書左丞張說墓誌一首

崔相國澳墓誌一首

文昌左丞陸公墓誌序

張說集

公諱元方字希仲蘇州吳縣人也帝興惟二虞盡美於  
南風強國有七齊莫大於東海元侯制食因為宗丞相  
冊勲開吳佐命盛德之後瑤琨代襲故丹青奕世三君  
之望並高金玉聯華五常之目齊重公即陳給事黃門  
侍郎珠之曾孫唐荊州當陽縣丞山仁之孫司儀郎東  
之之姪豫章尉玄之之子體玄黃之純粹峻清白之隆  
基鵬翼載軒騏鳴自遠始以司成明經業優擢第補三  
水扶風渭南三縣尉授裏行監察殿中三御史遷鳳閣

舍人兼太子中舍又判鳳閣又守秋官行鸞臺三字侍郎同鳳閣鸞臺平章事坐公事降為綏州刺史居無何檢校春官又試天官二侍郎兼司衛卿復除鸞臺侍郎同鳳閣鸞臺平章事轉右庶子轉文昌左承前後掌選及知考各二歲九沅銓總代天理物公執其衡鏡而野無遺賢三載考績惟王舊典公秩其一作黜陟幽明而庶官咸事斯並憲章臺閣藉甚人倫至於經濟大道彌綸庶務嘉猷削於隱德弘並晦於推美蓋不得而聞也古人

有言進退在命忠信在人一出持州再入蒞政汲長孺  
之方直時守外臺胡伯始之詳明亟司中禁抑有由焉  
嗚呼人之淑斯宜享難老昊天降戾曾不愍遺太定元  
年二月七日寢疾而終春秋六十有三歷事兩宮三十  
餘載奉上惟敬臨下惟誠密勿兩終靜而調理心尚坦  
率不違名教之地迹列軒裳不雜風塵之伍施與忘倦  
鄉黨穆焉夷險若一朋友義焉所謂終溫且惠行同歸  
於大雅克已復禮身不離於令名及東首歸全西階撤

奠無食粟之馬無衣帛之妾知與不知莫不嘉歎粵三月十四日假葬之國門之南費村永刊昭烈垂之幽礎

其銘

元本  
不載

此篇元在九百四十卷職官門今移于此

中書令逍遙公墓誌銘

張說

唐故中書令逍遙公韋氏諱嗣立字延構京兆杜陵人也受渾元之正性挺生人之秀傑門為孝悌之府世處台衡之地蓋上林之高標宗臣之首出者也生於秦之



清水長于鄭之成臯聰明先覺博古兼覽究蓬山之百  
氏綜闕里之六藝文而不華實而不滯原夫志在於易  
行在於禮守橐籥之冲虛播朱絃之愷悌事有則而言  
有度神無方而用無體其與人也溫良善誘仁恕多容  
俾夫頑蔽開折懷驚擾從君子進道小人革慮聞者願  
來見者忘去若膏澤之浸陽和之感萬物不知其化矣  
及夫履簣登朝濫觴宰邑聖朝知其周慎忠肅簡易循  
良是以綢繆兩禁重疊千里迄踐宰衡終厥有成凡化

二邑理七郡三入中書再統兵部選吏部

集本文粹作兵部

各

兩典樞密共五載光弼四主歷政三十有餘其間累有

謗

集作傍

及官因左退日月蝕而更明隨和幽而不昧爾

其為邦設教尊德閑邪身勤心苦誠感物化禮讓興於

私室刑罰廢於公家衡鏡高懸文武矯首才無我失善

若已有風流明教作法垂後訐謨皇極功格天地茫茫

蠢蠢既生既遂四夷來王五靈皆至然而外榮中素迹

邇心遐杳然朱石

二本作戶

之若喪旻

二本作邀

若赤松之可接

西宴驪山之谷東息龍池之野擇逍遙而建號裂土宇而西社明主封帝邱之謀表高臣之志也公考侍中為國元輔公兄承慶當代齊名咸以令德繼和金鼎扶陽二相陳氏三君復追美名二本侯侍中前夫人崔氏生黃門而即世後夫人王氏生公而偏愛公克諧以孝因心則友啟均養之德成無間之言天下之人比之祥覽惟公德行言語文學政事四者實惣而兼之事親養志而能爭居喪過哀而顧禮此又善中之善者也善人天之

經也國之寶也道將興廢木鐸之用有時命或推移蒼

天

二本之作生

之望恒在春秋六十有六遘疾陳郡還醫洛

師開元七年九月二日薨于歸德里有詔贈兵部尚書  
謚曰孝禮也明年某月葬于某地有子孚恒濟夬儻然  
在疚靡所寘哀以某忝縉雲之舊寮沐清風之餘論入  
難名之閭域窺妙德之形容見託銘志庶傳精爽至於  
歷官次序平居事業當見御府遺愛之碑國史銘臣之  
傳故不存焉銘曰

我我仁公抱孝含忠文獻則足高明有融翻飛王佐穆  
我清風道濟明時心樂幽地辟衣華袞坦然一致逍遙  
啟封帶礪傳嗣二本  
作祀生涯共盡振古其常人秉三德天  
歸百祥減孫有後公業不亡

開府儀同三司行尚書左丞相燕國公贈太師

張公墓誌銘

張九齡

大唐有天下百一十三年開元十有八載龍集庚午  
冬十二一作集月戊申開府儀同三司行尚書左丞相燕

國公薨于位享年六十四嗚呼哀哉皇帝悼焉素服舉  
哀廢朝三日乃下制贈太師蓋師傳之舊恩禮有加也  
詔葬先逮襄事有日又特賜御詞表章琬琰公義有忘  
身之勇忠為社稷之衛文武可憲之政公侯作捍之勲  
皆已昭昭於天文雖日月爭光可矣公諱說字道濟或字  
說之見范陽方城人晉司空壯武公之裔孫周通館學  
唐書士諱弋府君之曾孫贈慶州都督諱恪府君之孫贈丹  
州刺史刑部尚書諱隲府君之季子自上世積慶及公

而祥發神明所祐

集作府

道德為樞生以寧濟幼而聰悟

集作體祥

鷹揚虎視英偉磊落越在諸生之中已有絕雲霓

之望矣初天后稱制舉郡國賢良公時大知名拔乎其萃者也起家太子校書迄于左丞相官政四十有一而人臣之位極矣尚書國之理本公悉更之中書朝之樞密公亟掌之休聲與偕升降數四守正而見逐者一遇坎而左遷者二其餘惣戎于外為國作藩所平除者唯幽并秉節鉞而已至若三登左右丞相三作中書令唐

興以來朝佐莫比聖賢之運有會師臣之道欲行人雖  
求多我每餘地馨香之發敷聞自久宜其翊戴聖后師  
範百寮功烈過於如神德聲出於咸一此固與版築岷  
起屠釣作合之類亦云異也公志玄遠而性高亮未嘗  
自異會節乃有立何所不可體道以為宗既定國於一  
言亦保身於大雅其於經理世務雜以軍國決事如流  
應物如響紛綸輻輳其猶指掌及夫先聖微旨稽古未  
傳缺文必補墜禮咸甄與經籍為笙簧於朝廷為粉澤



固不可詳而載也始公之從事實以懿文而風雅陵夷已數百年矣時多吏議擯落文人庸引雕蟲沮我勝氣邱明有恥子雲不為乃未知宗匠所作王霸盡在及公大用激昂後來天將以公為木鐸矣斯文豈喪而今也則亡嗚呼克生以輔時而臣道不究致用以利物而人將安仰上撫床以念往下輟相而哀至復見之於公焉大常議諡曰文貞二十年秋八月甲申遷窆於萬安山之陽燕國夫人元氏祔焉夫人故尚書右

集作左

丞相武

靈公懷景之女也動為柔範皆可師訓及公之貴連姻  
帝室雖處榮盛若非在已內執謙下外睦親疎古之賢  
明未始兼有開元十九年三月壬戌薨于東都康俗里  
私第享年六十四長子均中書舍人次曰垣駙馬都尉  
衛尉卿季白椒符寶郎泣血在疚皆我之有後也嗚呼玄  
堂永闕何事春秋幽篆斯在亦云不朽而已銘曰

天有密命滋液百寶時無大賢誰與明道我公允叶我  
德孔昭翰飛戾天羽儀清朝功遂身謝名由實美言而

有立古無不死南山之下詔葬于茲後之與歸惟我太師

相國崔公墓誌銘

穆員

皇唐相國博陵公姓崔氏諱澳字某佐玄宗扶正厄運保維宸極戴肅宗紹復大業底綏生人事代宗朝羽儀百辟歷官二十三享年六十二以大歷三年冬十有二月二日薨于道州刺史之寢明年歸祔于洛北陽邱山今上六年追贈尚書左僕射夫人滎陽鄭氏華陰郡太

夫人以子貴也公娶前夫人生冢子常山公公之清德  
重望洎天官亞相之位事後夫人滎陽鄭氏恭公之理  
命以無遺為大而黽勉拘忌出入銜恤推周公合祔之  
事凡龜從筮逆者數嗚呼天不以西漢韋平之美惠于  
吾君使常山下世永懷不集故有沒代之庸著遺令焉  
貞元元年秋九月季子京兆府三原丞楊孫前渭南尉  
元方哀奉常山之志逮乎在殯是月壬午啟博陵公之  
塋明月丁酉以華陰郡太夫人洎繼夫人隴西李氏之

喪歸禮也公大父諱玄偉

唐書作暉

中書令博陵王於皇唐

有再造勲事具國史考璩禮部侍郎襲博陵王與魏元

忠趙貞固為友出處齊名公則禮部之第二子也天寶

中歷屯田左司二員外郎出為歙州刺史換綿州錫金

印紫綬大駕南巡以至誠大義感悟聖主中興之業見

於言下擢拜門下侍郎平章事靈武即位與上宰房公

瑄奉冊書國璽唯新景命是時也中原有羿浞之亂東

南有吳淠之釁乃三分天下之一以八柄付公俾公仗

節督護河南山南江南淮南之地凡受賑專征者由公以律二千石已降唯所遷置公於是度用均賦息人繕兵外攘四封內敘多士望高寄重怙寵者排之降左常侍領杭州刺史俄轉常州徵拜秘書監太子賓客大理卿坐失繫囚移信王府傳轉尚書左右丞吏部侍郎御史大夫大厯中元載顓政中外附之公對馭內廷數其不赦之罪上含之未諭公抗詞焉寺人屬垣漏言于載未幾有道州之役逞憾故也公標鑒遐明姿度弘粹松

茂玉潔風清雨潤文以經邦為用學以為已為宗承祖  
禰以付子孫者清白孝友其哲人哉夫人磁州刺史曹  
之孫潁川太守長裕之女年若干捐公之館子曰縱實  
常山公繼夫人舒州刺史紹之孫左羽林錄事叅軍晃  
之女年若干遺公之錄子曰連世系表作捷仕萬年尉不幸  
早夭二夫人地清天和夫賢子孝四者均有之清之發  
祥和之應壽賢之用貴孝之報榮四者皆違之哀哉孝  
孫元方痛先人存沒不伸之志其號天也與吉凶俱咨

于叔父揚曰先志未從不敢以見先祖是日也奉二夫  
人合于此室既定而常山拊焉員常山門吏見託銘石  
其詞曰於穆元輔歸全帝邱列樹已拱清風悠悠邈矣  
夫人同凋上春配忠生孝翊聖懷民賴及於國慶達其  
身五父雙啟九泉同閑遺厥嘉祥及爾昆裔



文苑英華卷九百三十六

欽定四庫全書

文苑英華卷九百三十七 宋 李昉等 編

宰相二

相國義陽郡王李抱真墓誌一首

相國武昌節度元稹墓誌一首

相國義陽郡王李公墓誌銘 穆 員

皇唐九葉天啟元聖運并中否蓋有苗不恭舜德於是  
乎盛獫狁孔熾周道於是乎興而我相國太保義陽王

文武命代經綸應期柱石將傾舟楫未濟腹心王畧爪牙天罰芟夷大憝覆冒生人公諱抱真字太真本姓安

氏世為涼州盛族高祖修仁佐太宗征伐並大其家寵

位本州啟封申國曾祖興

表作永達

開府儀同三司左驍衛

大將軍祖恪

表作懷恪

陳州司馬贈兵部尚書考濟管贈太

子太保或才光

一作克

于時或道屈于命從父兄司徒涼

國公抱玉事肅宗代宗勲著王室錫以天姓代宗之初

僕固懷恩怙兵犯順公時再命汾州別駕隨州陷焉懷

恩雅竒公才而懼公之不同所以待公與衛公者偕切  
公竟以勇智自脫投身京師上方以懷恩為憂不啻於  
祿山思明之難遣公進討公曰郭子儀領朔方之衆人  
多思之懷恩因人之心以邀其勢給其衆曰子儀為魚  
朝恩所戮刼而用之今若復子儀之位可不戰而克上  
嘉而納之其後懷恩父子皆敗朔方有衆洎西北兩蕃  
望子儀而頓伏皆如公策拜殿中少監擢綏清列澤盛  
當時卿大夫賢者從之遊朝論美價於斯為重大駕幸

陝欲遂都洛陽公入陳婁敬子房之說且曰臣見犬戎  
今已遁去翌日長安告至如公之言代宗器公之才將  
試其用詔兼御史中丞充陳鄭澤潞節度留後公以所  
奉之主則從父兄司徒公乃深惟大雅明哲之義罷請  
留府願効列郡優詔從之拜澤州換軍懷二邦之人得  
公失公皆如父母未幾復統留府之政累加御史中丞  
左散騎常侍并領磁邢二州增秩加邑國之報也今上  
即位用聰明神武照臨不庭命方叔召虎鎮衛四國是

用授以黃鉞俾以專征而方命之徒畏威先舉田悅以  
暴兵五萬寇我東鄙却邢州圍臨洺守將乘城如山不  
拔忿志且恥既悉索境內且乞師於隣掘地于雲壕疊  
數合上絕飛鳥下及黃泉公躬執鉦鼓屢挫其銳詔命  
太原節度使今侍中馬公與公合縱且曰盡敵非疑是  
摧堅陣於雙岡釋重圍於二城殲逆徒於洹水凡三戰  
三北退伏于魏窟如囚拘逆將朱滔誘今司徒王公合  
范陽恒山之衆來為悅援公與馬公洺郡帥屯于魏橋

相持卒歲無何京師有朱泚之亂鑾輿外次郡率失圖  
蒼黃還師唯恐在後公徐統士馬退次洺州旋奉詔書  
俾勤所職于時將卒倦戍久矣及其還也如川壅而潰  
勢不可遏公以至誠大義發為號令俾四郊激勤王之  
志三軍忘思歸之心進師漳河獨壓強寇先是與公  
戮力太原朔方盟津洎神策四帥十萬之旅一朝雨散  
孤軍特立天下危之公忠貫天地機先鬼神動如雷霆  
峙若山岳銷難於未朕成功於無戰氛祲四廓豺狼坐

馴上在奉天躬禹湯勃興之德曰萬方有罪罪予一人  
發號改元與人更始公奉揚天澤浹于四隣增日月之  
明廣雷雨之施由公而復爵位者今司徒王公洎魏博  
青齊三帥凡三道數十州百萬旅歸于聖理公之功也  
朱滔以幽燕勁卒獯虜驍騎將欲橫行咸洛崛強中原  
輔其兄泚窺伺神器公以奇謀正義間說成德成德與  
滔契重婚姻事同艱阻與公交鋒對壘積為敵讐乃為  
國為公忿滔如響將欲自竭先誠於公投我以可疑報



之以必信公與王公之相見也王公旌旆車騎亘如長  
雲晦日蔽天風驅而至公以數騎徑造其前王公叱去  
左右躍鞍而下交臂號譁聲聞昊天即日兩軍億萬之  
師悉如兄弟公遂入其壘授之以畫明日合勢大破滔  
軍于涇城之西滔鼠竄舊巢至死不振逆泚折臂羣虎  
奪魄諸將聞風益壯踵武獻功既而妖彗滅星纏復鯨  
鯢戮九字一作妖彗滅  
光星纏復觀恐非海水清而振曜靈威興復昌運  
自我而始其天啟歟公使將如臂使卒如指決勝于千

里之外者則河中拔淮夷殄分彼成功什三四焉初臨洛  
之解遷工部尚書洹水之勝轉兵部魏橋之勤加右僕  
射漳濱之固轉左僕射同中書門下平章事朱滔之敗  
遷司空食實封五百戶貞元初上有事于上帝列祖公  
得請會朝宣室受釐明堂布政對揚丕顯錫命藩庶方  
寄股肱而藩屏是切方屬周召而桓文是賴數月受命  
還鎮公之鎮于潞也垂三十年撫五郡四封之人作之  
醫作之師生成之富庶之耆老詣闕願刊金石詔俾時

宰揚其頌聲迺者大梁東平二帥交惡僉使上介質正  
於公公以天道助順神明與直裁而辨之司徒王公以  
不二心合公一德資稟明畧有如元龜議者謂上黨之  
俗地狹而力氣寒堅水蓋戰國武卒之餘也故長於步  
冀之地土馬之所生故長於騎而公與王公天下之傑  
也各因其俗之所長以伯諸侯嗚呼使公將步王公將  
騎以征四方以獎王室亂臣賊子誰敢萌心上天為何  
而降公疾願守謙遜固辭崇高請罷三公拜章七還天

子重違宗臣之請又迫蒼生之望退授僕射而安危注意之任猶以煩之十年六月一日薨于位春秋六十有二皇上震悼輟朝三日所以贈襚之品禮極數殫中貴護喪達于洛泗冬十月九日葬於澠池祔先君太保之塋禮也公自生勲門幼被儒術長覽太史公班孟堅書服從衡之言至於兵法尤其天性而體乾之剛利坤之貞煦春之仁厲秋之義蹈禮之節包樂之和是以文昭扶翌武著戲靖行備九德政成百度忠與勲偕業與時

并兵符相印與身終始開國傳家與國無窮盛矣哉公  
再娶于鄭華宗令德其偶而一前夫人滎陽郡夫人皇  
洛陽令汲之子也不幸早世後夫人沂國夫人皇洛州  
壺關令鞏之子也昔以賢輔貴今以哀報榮既大公門  
且肥公室初公之棄三軍也嗣子前殿中侍御史緘為  
墮淚所迫俾嗣公位緘曰為先人之嗣者苟生非忠冒  
死非孝深惟自免之計既而忠孝全焉次子幼成季子  
幼清次女適清河崔弘雅有幹父裕母之美長女幼女

並從西方之教各得其旨緘等以公成功盛德列于史  
策流于歌頌傳于故老之口巍巍乎其不朽矣若邱壑  
遷化歲序超忽則貞石是賴不可以不識焉爰假菲詞  
俾鋪玄壤銘曰

陰陽成歲百物以生聖賢撫運天下以平神武嗣統朝  
陽啟明照臨萬邦震曜不庭蠢彼昏迷為國未詳乃命徂

征風行王化雷動天聲靡守不固何攻不傾信一作咆信一作哮

材武率循忠貞茫茫氛祲於變廊清入覲于王惟周疑作

國之禎帝念藩翰復我長城宜錫難老以主夏盟柰何  
吳穹天極一作謝壯齡善積存沒報窮哀榮勒勲王府遺  
業生靈歸我真宅封山表塋永閉泉戶與天壤并

此篇元在九百三十八卷職官門今移于此

相國武昌軍節度觀察處置等使正議大夫檢

校戶部尚書鄂州刺史兼御史大夫賜紫金

魚袋贈尚書右僕射河南元公墓誌銘

白居易

公諱稹字微之河南人六代祖巖隋兵部尚書封平昌

文粹如此是英華作武平集作昌平並非

公五代祖弘隋北平太守高祖義

端魏刺史曾祖延景岐州叅軍祖悱南頓縣丞贈兵部

員外郎考諱寬比部郎中舒王府長史贈尚書左

集本文粹

右僕射妣滎陽鄭氏追封陳留郡太夫人公即僕射府

君第四子後魏昭成皇帝十九代孫也公受天地粹靈

生而岐然孩而嶷然九歲能屬文十五明經及第二十

四調判入四等署祕書省校書郎二十八應制策入三



等拜左拾遺即日獻教本書數月間上封事六七憲宗

召對言及時政執政者疑忌出公為河南尉丁陳留太

夫人憂哀毀過禮杖不

文粹作而

能起服除之明年授監察

御史使於蜀按任敬仲獄得情又劾奏東川帥違詔條

過籍稅又奏平塗三輔等八十八家冤事名動三川三

川人慕之其後多以公姓名其子朝廷疾

二本作病

東諸

侯不奉法東御史府不治事命公分臺而董之時有河

南尉離局從軍職尹不能止監察御史死其柩乘傳入

郡

二本無此二字

入郵郵吏不敢詰內園司械繫人踰年臺府

不得知飛龍使匿趙氏亡命奴為養子主不敢言浙右

帥

一作使

封杖杖

一作結決

吉安令至死子不敢愬凡此者數

十事或奏或劾或移歲餘皆舉正之內外權寵臣無奈

何咸不快意會河南尹有不如法事公引故事奏而攝

之甚急先是不快者乘其便相噪喉坐公專達作威黜

為江陵士曹掾居四年徙通州司馬又四年移號州長

史長慶初穆宗皇帝

二本無此二字

嗣位舊聞公名以膳部員

外郎徵用既至轉祠部郎中賜緋魚袋知制誥制誥王  
言也近代相沿多失於巧俗自公下車俗一變至於雅

雅一

二本字  
作二三

變至於典譽時謂得上嘉之數名與語

知有輔弼之才

二本作知其  
有輔弼才

擢授中書舍人賜紫金魚

袋翰林學士承旨尋拜工部侍郎旋守本官同中書門

下平章事公既得位方將行已志答君知無何有憮人

以飛語構同位詔下案驗無狀上知其誣全大體與同

位兩罷之出為同州刺史始至急吏緩民省事節用歲

收羨財千萬以補亡戶逋租其餘因弊制事贍上利下者甚多二年改御史大夫浙東觀察使將去同同之耆幼鰥獨泣戀如別慈父母遮道不可遏送詔使道集作導

呵麾鞭有見血者路闢而後得行先是明州歲進海物其淡蚶非禮之味尤速壞課其程日馳數百里公至越

未下車輟奏罷自越抵京師郵夫獲息肩者萬計道路

歌舞之明年辨沃瘠察富貧審二本勞逸以定稅籍越

人使之無流庸無逋賦又明年命吏課七郡人冬築坡

陪春貯雨水夏溉旱苗農人賴之無凶年

二本無此三字無餓

殍在越八載政成課高上知之就加禮部尚書降璽書

慰諭以示旌寵又以尚書左丞徵還旋改戶部尚書鄂

州二本作鄂節度使在鄂三載其政如越太和五年七月二

十二日遇暴疾一日薨于位春秋五十三上聞之軫悼

不視朝贈尚書左二本作右僕射加贈賜二本作轉贈馬前夫人

京兆韋氏懿淑有聞無祿早世生一女曰保子適校書

郎韋絢今夫人河東裴氏賢明知禮有輔佐君子之勞

封河東郡君生三女曰小迎未笄道衛道扶齠齠一子

曰道護三歲仲兄司農少卿程

二本  
作積

姪御史臺主簿某

等銜哀襄事裴夫人韋氏長女聚諸孤等號護齠嬰以  
六年七月十二日祔葬于咸陽縣奉賢鄉洪瀆原從先  
宅兆也公著文一百卷題為元氏長慶集又集古今刑  
政之書三百卷名類集並行於代公凡為文無不臻極  
尤工詩在翰林時穆宗前後索詩數百篇命左右諷詠  
宮中呼為元才子自六宮兩都八方至南蠻東夷國皆

寫傳之每一章一句出無脛而走疾於珠玉又觀其述作

編纂之旨豈止於文章刀筆哉實有心在於安人治

集作

活

國致君堯舜致身伊臯耳抑天不與耶將人不幸耶

予嘗悲公始以直躬律人行而勤之則坎壈而不偶謫

瘴鄉凡十年髮斑白而來歸次以權道濟世變而通之

又齟齬而不安居相位僅三月席不煖而罷去通介進

退卒不獲心是以法理之用止於脩

二本作舉

一職不布於

庶官仁義之澤止於惠一方不周於四海故公之心不

足也逢時與不逢時同得位與不得位同富貴與浮雲  
同何者時行而道不行身過而心不遇也執友居易獨  
知其心以泣濡翰書銘於二字墓曰

嗚呼微之年過知命不謂之夭位兼將相不謂之小然

未康吾民未盡吾道在公之心則為不了嗟乎哉

二字文粹

作惜或惜哉

道廣而俗隘時矣夫心長而運短命矣夫嗚呼

微之已矣夫



文苑英華卷九百三十七

欽定四庫全書

文苑英華卷九百三十八

宋 李昉等 編

宰相三

丞相太子少保牛僧孺墓誌一首

東川節度使周墀墓誌一首

丞相太子少師竒章郡開國公贈太尉牛公墓

誌銘

杜牧

唐佐四帝十九年宰相牛公諱僧孺字思黯八代祖弘

以德行儒學相隋氏封奇章郡公贈

集作  
諡

文安侯文安

後四世集州刺史贈給事諱休克於公為曾祖集州生  
太常博士贈太尉諱紹太尉生華州鄭縣尉贈太保諱  
幼聞太尉生孤始七歲長安南下杜樊鄉東文安有隋  
氏賜田數頃書千卷尚存公年十五依以為學不出一  
室數年業就名聲入都中故丞相韋公執誼以聰明氣  
勢急於褒收如柳宗元劉禹錫輩以文學秀少皆在門  
下韋公亟命柳於樊鄉訪公曰願得一相見公乘驢至

門韋公曰是矣東京李元禮為後進師隋竒章公仁德  
祿位二者包而有之登進士上第元和四年應賢良直  
諫制數強臣不奉法憂天子熾於武功詔下第一授伊  
闕尉以直被毀周歲凡十府奉取不下伊闕滿歲都公  
士美以昭義軍書記辟凡三上請詔除河南尉拜監察  
御史丁母夫人憂制終復拜監察御史知雜事改考功  
員外郎集賢殿直學士庫部郎中知制誥賜五品命服  
半歲遷御史中丞宿州刺史李直臣以賊數萬敗穆宗

聽

二本集德

偏詞於中稱直臣寃且言有才宰相言格不用

公以直臣獄奏上曰直臣有才可惜公曰彼不才者無飽食以足妻子安足慮本設法令所以縛束有才者祿山朱泚是才過人而亂天下上因可其奏曰善賜章服金紫遷戶部侍郎掌財賦事上益親重欲相之會中書令韓弘男公武謀曰大人守大梁二十年齊蔡誅後始來朝今不以財援中外設有飛一詞者誰以二本作與保白公武齋弘書獻公錢千萬公笑曰此何名為公亟持去

明年弘公武繼卒主藏奴與吏訟於御史府上憐弘大  
臣父子併死稚孫將家事走中使至第盡取財簿自閱  
視凡中外主權多納弘貨獨朱勾細字曰某年月日送  
戶部牛侍郎錢千萬不納上大喜以拍歷簿遍視旁側  
曰果然吾不謬知人殿上皆再拜呼萬歲尋以本官平  
章事明年正位中書侍郎加銀青三品兼集賢殿大學  
士監脩國史敬宗即位與武士旼宴無時徵天下道士  
言長生事公亟諫曰陛下不讀玄元黃帝五千言以清

淨養生彼道士皆庸人徒誇欺虛荒豈足師法未一歲請退不許連四月日間以疾辭乃以鄂岳六州建節號

武昌軍命公為禮部尚書平章事為節度使公始至問

民疾

二本  
作衣

苦皆曰城土棘惡歲輸棗竹為苦具姦吏旁

緣主為侵取費與稅等歲久前後政欲畫計策訖無所

施公即除去冗長用公私錢陶埴成城

文粹  
作

凡五年乃

就明年文宗即位就加吏部尚書明年急徵拜兵部尚

書平章事再

二本  
作重

拜中書侍郎弘文館大學士鄭注怨

宋丞相申錫造言挾漳王為大逆狀跡牢密上怒必殺  
公曰人臣不過為宰相今申錫已為宰相假使如所謀  
豈復欲過宰相有他圖乎臣為中丞愛申錫忠良奏為  
御史申錫之心臣敢以死保之上意改由是宋不死太  
和六年西戎再遣大臣摯二本作贊寶玉來朝禮倍前時盡  
罷東嚮守兵周明臣附李太尉德裕時殿劔南西川上  
言維州降今若寇文粹作史生羗三千人燒十三橋擣戎腹  
心可洗久耻是常舉二十年至死恨不能致事下尚書



省百官聚議皆如劔南奏公獨曰西戎四面各萬里來

責曰何事失信養馬茹蔚州

在平涼  
部西

上平涼坂萬騎綴

回中怒氣直詞不三日至咸陽橋西南遠數千里雖得

二本  
作百

維州此時安可用棄誠信有利無害匹夫不忍為

况天子以誠信見責於夷狄且有大患上曰然遂罷維

州議太和六年檢校僕射平章事淮南節度使經六年

至開成二年連上章請休官詔並不許公曰臣唯退罷

可以行志夏五月以兵付監軍使拜疏訖就道除檢校

司空留守東都明年拜右

二本  
作左

僕射上恐公不起詔曰

朕比有疾良已思一面敘公不得已至闕下一拜謝閉

門不出明年檢校司空平章事襄州節度使出都門賜

黃尋蹲龍杓凡六器名出周禮詔曰精金古器用以比

况君子非無意也襄州七年假饒軍人入賦不一公至

據地造籍免貧弱四十萬均入豪強皆曰甘心不出一

怨言明年武宗即位就加司徒會昌元年秋七月漢水

溢堤入郭自漢陽王張柬之一百五十載

二本  
作歲

後水為再

大李太尉德裕挾維州事曰脩利不至罷為太子少保

二本  
師

未幾檢校司徒兼太子太

集作  
少

保明年以檢校官

兼太子太傅留守東都劉稹以上黨叛誅死時李太尉

專柄五年多逐賢士天下恨怨以公德全畏之言於武

宗曰上黨扼

二本  
作軌

左京控山東劉從諫父死擅之十年

後來朝加宰相縱去不即

二本無  
此字

留之至積叛竭天下

力乃能取此皆公與李宗閔宰相時事從諫以太和六

年十二月十七日拜闕下公實以某月十九日節度使

淮南明年正月從諫以宰相東還河南少尹呂述公惡其為人述與太尉書言禎破報至公出聲歎恨上見述書復聞前縱諫去壘二怒不一叅校自十月至十二月

公凡三貶至循州員外長史天下人為公按手咤罵公

走萬里瘴海上二年怙泰若無一事今天子即位移衡

州汝州刺史

二本  
作長

史遷太子少保少師凡四年復位大中

二年十月二十七日薨于東都城東南別墅年六十九天

子恂傷不朝兩日再

集作  
冊

贈太師

二本  
作尉

天下善人執手

相弔哭公忠厚仁恕莊重敬慎未嘗不以此八者自勉而終身益篤為宰相急於銓品凡名清官不忍持一資以假非其人以道德謨於天子每指古義為據有言機利克追必鉤音華劄音功各使之摧破三大邦去苛碎條約除民二本無此字大患其輕巧吏欲試公愛惡希售所為渾然終不能見故所至必大治衣冠單窮出俸錢嫁其子女月與食歲與衣資送其死喪凡數百家李太尉志必殺公後南謫過汝州公厚供具哀其窮為解說海上與

中州少異以勉安之不一言及前事鎮武昌時軍容  
使仇士良為監軍使公律以禮敬暑甚大合軍宴拱手  
至暮一不搖扇亦自儉克平居非公事不出內屏周三  
歲語言舉止率有常度仇軍容開成末首議立武宗權  
力震天下每言至公必合手加額

二本  
作額

曰清德可伏

二本

作服人但過恡官財與人無一毫恩力

二本  
作分

耳不肯引譽

不敢怨毀淡居其中公始自河南薦鄉貢士為郎官考  
吏部科目選三開幕府中丞相外凡取六十餘人上至

將相次布臺閣皆當時名士每暇日讌語寮吏必言古  
人修身行事旁誘曲指微警教之不以己所長人所不  
及裁量高下以生重輕後進歸之承望聲光行一言許  
可必自矜重夫人辛氏以公封張掖郡贈僕射祕之長  
女士林稱為婦師凡二十年前公八年歿五男六女長  
曰尉監察御史次曰叢浙東諸本並作南府協律郎皆以文  
行登進士第不藉公勢次曰奉倩河南府洛陽尉二人  
皆稚齒長女嫁戶部郎中上黨苗惜次女嫁河中節度

使檢校郎中范陽張洙次女嫁河南府集賢校理常山  
張希復次女嫁前進士鄧淑次女未笄一人始數歲以  
某年月日葬少陵南某鄉某里銘曰

道既訛哀必有以扶厥公之生以隆其污

二本  
作污

幽以燭

明曠以雨濡以教其徒以佐天子滅絕霸駁如有樞柅

標揭

文粹  
作謂

峙倚巍乎二紀臣宗德老鉅傑魁畧孰為忌

畏譖去南海不校不辨旋

文粹  
作牽

復顯大百行渾圓隣於

及年以歸其全



東川節度使檢校右僕射兼御史大夫贈司徒

周公墓誌

周平王次子烈封汝墳侯秦以汝墳為汝南郡侯之孫  
因家焉遂姓周氏自烈十八世至西漢周仁繼烈封侯  
其後逃西晉亂南去黃岡靈起仕梁為桂州刺史生冕  
在陳為車騎將軍靈生法明年十二月命巴州刺史陳  
滅臣隋為趙之真定令隋亂歸黃岡起兵取蘄安沔黃  
武德中籍四州地請命授總管蘄安十六州軍事光祿

大夫封國於道太宗命虞世南銘書墓碑相國為六代

孫曾祖惲汝州梁縣令祖沛左拾遺王

一作皇

考題右驍

衛兵曹叅軍贈禮部侍郎公少孤奉養母夫人以孝聞

舉進士登第始試秘書正字湖南團練巡官母夫人亡

哭泣無時里人過公廬曰無驚周孝子後自留守府監

察真拜御史集賢殿學士李公宗閔以宰相鎮漢中辟

公為殿中侍御史行軍司馬後一年復以殿中書職徵

歸時太和末注訓用事夏六月始逐丞相宗閔立朋黨

語鈎挂名人凡百日逐朝士三十三輩天下悼懾以目受意附亮者屢以公為言注訓曰如去周殿中恐人益驚竟不敢意注訓取公為起居舍人文宗復二史故事濡筆立石螭下丞相退必召語旁側窺帝每數十顧遷公員外郎帝曰周某不可不見宜兼前官數月以考功掌言事帝曰就試翰林公辭讓堅懇帝正色以手三麾之遂兼學士遷職方郎中中書舍人政事細大必被顧問公終身不言事故不傳武宗即位以疾出辭為工部

侍郎華州刺史領禁軍二十四內司居華下諸

集作

籍

沒等百姓不敢妄出一詞李太尉德裕伺公纖失四年  
不得知愈治不可蓋抑遷公江西觀察使兼御史大夫  
公既得八州施展教令申明約束發虔守陳弇賍坐弇  
以法死吏手膠拳窮鄉遠井如公在旁縛出洞寇劉太  
朴徒數百人斫發根脉無有遺失彭蠡東口戍五百人  
上下千里無一賊跡遷禮部尚書鄭滑節度使老將某  
項領不如教約公鞭背降為下卒聲北入魏皆曰周尚

書文儒能治百姓仁愛兵士而復敢爾是豈可一

集作十

犯九

一作

歲入拜兵部侍郎節度支兼戶部東

集作吏

曹

事積邊糧穀九十萬石今天子即位二年五月以本官

平章事後一月正位中書侍郎兼脩國史就加刑部尚

書因河湟事議不合旨以檢校刑部尚書出為劔南東

川節度使明日入謝面加檢校右僕射公自舉進士第非

其人不交一

集無一字

言旁晚後進鐫心鏤志及為將相

乃推挽悉置于位李太尉德裕會昌中以恩撰元和朝

實錄四十篇益美其父吉甫為相事公上言曰人君猶

不改

一作觀

史人臣可改乎元和實錄皆當時多士自書

事實今而不信信德裕後三十年自名父功衆所不知者而書之此若垂後誰信史竟廢新本并帥王宰劉所部財貨承事貴倖自請來朝聲言我取平章事鎮大梁公上言曰宰破太原取汴州不知天下治所凡幾得如太原汴之大者可飽宰欲乞宰還鎮自補其殘後二日還宰詔下駙馬都尉常讓求為京兆尹公言曰尹坐堂

上階下拜二赤縣令屬官將百人皆可笞辱非有德者  
京兆不可為豈止取吏事讓議竟寢自此非道求進者  
鼠遁自屏及鎮東蜀一歲欲歸閒洛師微得風恙公曰  
我今去是以疾去疾愈去非晚大中五年歲在丁未二  
月十七日薨于位享年五十九訃至廢朝三日冊贈司  
徒命諫議大夫盧懿弔恤其家公信於朋友公於為官  
事親出告還必面家事不敢自專同曾祖兄弟入門呵  
咎奴婢衣服飲食無二等免相位西去送公還者雖武

將散秩歎惜咨嗟曰周相公無私我惜其去

六字一作存曰無戎

惜私其去

有私乎夫人義興蔣氏先公某年終生二男一

女長曰寬饒崇文校書次曰咸喜京兆叅軍皆孝謹有文學女嫁起居舍人薛蒙大中六年歲次壬申二月十二日歸葬先塋河南府河南縣穀陽鄉立行里銘曰

姬之支封國自為姓以周為氏入唐而盛烈後幾世厥生賢孫當唐中興為唐相臣文思天子誇古為治提起王道以公為倚音遠剛蹊巢窠出者烏馱誰塞誰棘勞分



碎指三屏大邦駿壯武事哺撫稚耄

集作老

父母赤子曰

將曰相公其愧幾指古為比公其無愧以公遺去聲唐而

後公死不錫壽考誰其辨之

此篇元在九百三十九卷職官門今移于此



文苑英華卷九百三十八